

皇明從信錄

皇明從信錄卷二十八

秀水沈國元訂

世宗肅皇帝

壬午嘉靖元年

明史紀事本末

正月、追錄平濠功、封王守仁爲新建伯。○禮部尚書毛澄等上言、皇上加恩本生、御批帝后之上、又各加一皇字、似于正統之親無別、何以告郊廟而布天下也、不聽。○乾寧宮小室災、楊廷和言火發風迅、且迫清寧後殿、豈與獻帝后加稱、祖宗神靈或有未協者乎、給事中鄧繼曾、王事高尚賢等、亦各上疏、帝心動、乃俛從廷議、稱孝宗爲

風節校核  
三校之定

既成

嘉慶慈寧 皇太后為聖母興獻 帝后為本生父母

補襲而給事朱鳴陽因言清寧火災揆厥咎徵典禮喪失

實為厲階蓋禮既徇私直言者始不見用希進者特藩邸

之私而冒濫始多亂政者恃調護之私而大法始壞戚畹

恃官掖之私始得妄求貴近侍逢迎之私始敢干預惟

皇上仰畏天變俯恤人言以端本而釐弊焉不報○陝西

甘肅五衛軍大亂殺巡撫都御史許銘焚其屍

按銘之死總兵李隆以私憾嗾部卒殺之及揭報兵部則稱銘酷刻激變軍士朝廷竟無憑焉

兵部主事崔韜進三劄

一言道同學修政事為先務二言當問賦頤登耗官簿增減之類朝久省記以興恐覆傳節之恩三言請司吏

齊弊盡空一一嚴義而整飭之至于其本又在上下之  
文昔太祖貽謀惟曰君臣同遊宣宗召尚書夏原  
吉同遊西苑飲酒甚歡英宗召召學士李賢面決政  
事孝宗日召尚書劉大夏諮詢密謀陛下不必遠  
法三代第近之祖宗亦  
可以得師矣入報聞

御史馬紀請如國初之制設起居注官下所司知之○御  
史朱衣給事中邵錫上疏陳時政缺失

夫謂此者言官屢進章疏陛下御批有日知道了有  
日有旨了夫言知不言行力行之意也言有旨而不  
言是非改過之吝也錫謂陛下即位以來政令既出  
或牛載而即更奏請方行或期月而遂改即如邇者內  
府薪炭及官軍俸糧二事部臣屢執而不從中官一  
言而遂決詔書不信中外傳駭疏入乃悉下所司

大能仁寺妖僧齊瑞竹正德間謀傾璽書金印賞賚無算  
帝從工部侍郎趙璜言簿錄財貨及玄明宮佛像毀剽金

三千三百二十兩悉給商以償宿逋。先是太有建議。謂  
師諸淫寺者。竟廢不行事。屬禮部。郎中屠應埏。一夕。發  
徧索師悉從拆毀。士論偉之。

二月。詔曰。聖母慈壽。皇太后。敬相皇考。孝宗。新育朕  
兄。武宗。時有令聞。皇嫂表正宮闈。母儀有年。聖祖母貴  
妃。事我。憲宗。澤隆啓佑。本生父興憲王。聰明仁孝。本生  
母興憲王妃。莊敬勤儉。誕育朕躬。丕承前烈。謹奉冊寶上  
聖母尊號曰昭聖慈壽。皇太后。皇嫂曰莊肅皇后。又奉  
聖母懿旨上。聖祖母尊號曰壽安皇太后。本生父曰興  
獻帝。母曰興國太后。大禮既舉。洪恩誕敷。布告天下。

三月以水災免河南開封府及汝州秋稅。○帝念翊戴功封廷和、冕、紀爲伯，給誥券，世襲。及壽安太后弟邵喜、興國太后弟蔣倫各封伯。壽寧侯張鶴齡加太師，太監張錦等九名承奉官等二十七人皆授太監，加祿廕官，其部寺臺諫各賜金緡有差。○戶部尚書孫交、兵部尚書彭澤會疏國漕歲四百萬石，領運十有二總，共領衛所一百四十旗，軍十二萬六千八百人，棧船一萬二千一百四十艘。近來漕規盡弛，軍亡船敝，恐悞大計。帝命總督漕運覈報。四月，詔廣東看守珠池之使不許預地方事。○陝西巡按曾茂隆劾總兵李隆以私憾殺巡撫許銘，命速勘以聞。○

東漢中北虜大帥亦不刺殺小王子。畏其子報仇。走涼州。與阿休秃廐數萬。乞我曠土住牧。守將難之。亦不刺怒。大掠堡砦。住西寧外境。攻破安定王族。盤據西海。其子麻八。台復侵番落。兼有西土。列噠眼班。板丹之力。諸部漸據西境。給事中張紳。蜀人也。上言。西土諸番。南距松潘。西踰甘肅。周匝千里。土廣人稠。國初廢以爵賞。啖以茶利。非徒籍其互市。亦漢人斷匈奴右臂意也。今虜乃併有諸番。踰秦隴。則可以窺關中。出階文。則可以向劔外。其不爲膏肓之疾乎。昔吐谷渾以遼東鮮卑。西併諸羌。遂爲隋唐歷世患。况虜既有定穴。而復兼以富強之種落乎。及今不治。爲患

不細疏下本兵

新建命下王守仁疏辭上不允

五月給事中張九敘御史江淵主事霍韜言陛下之有

天下倫序當然天人共屬楊廷和何與定策太監扶安何

與贊襄駙馬崔元之捧符惠安伯張偉之迎護與藩邸効

勞諸臣皆臣子常職何足爲功侯固非軍功不封錦衣非

軍功不授晉秩及于爛羊爵賞輕于敝袴廷和見紀乃上

疏辭封本兵彭澤覆奏正德中權奸用事封錫太濫皇

上釐革殆盡乃以定策之功封廢至五十三人非所以爲

訓也宜聽辭免上從之各廢一子雖外戚伯如故

公道大略

非夏朝  
封賞亦以  
保機參知  
公



六月南京吏部尚書王華卒

華守仁父才識宏達操持堅定方逆瑾竊柄士大夫皆趨之華獨不往會守仁劾之瑾怒逐守仁而素敬慕華不敢加害

南京禮部尚書章懋卒謚文懿

懋浙江蘭谿人成化丙戌會試第一平生志行高潔潛心大業居常不為異同至臨大事決大疑則據經援古確乎不移百凡嗜好毫不入其心家居二十年論薦無虛日自筮仕九轉至八座居官不過十年歷俸僅滿三考難進易退之節世尤高之明年九月金華知府王九華奏其遺孤貧困乞優卹上命月給米二石待出幼日住

汪珊疏十漸下所司

疏曰皇上即位之初每事獨斷今戚里左右或得潛移陰假一漸也初每事咨訪大臣今禮貌雖隆而心實

疏遠一漸也初罷諸不經諫詞今乃稍議復三漸也初屏絕玩好今教坊諸司得以新聲巧伎進四漸也初日覽章奏今或忽而不視五漸也初元費初詔崩葬今勝壤勇士不設實六漸也初食初馬實數不稽是謂冗費六漸也初裁車錦衣骨蓋七漸也初以正法今犯法者率貸死而罰金後符何懲八漸也初官有過者初旨不得任用今雖守守備猶稍營換九漸也初復降九漸也初結諫如流十漸也初言官論政事不便直批日不准有司上好罪未正直答曰有言所謂飽飽拒人也

南京風雨暴至江水泛濫官闕城垣大壞民多溺歿勅諭文武羣臣同加修省以圖修復併遣官巡視賑卹被災之家

九月辛未立 皇后陳氏勅兵部陞后父鴻臚寺卿陳萬

言爲中軍都督府同知、后母翼氏封夫人、給誥命、

十月給事中章僑、御史梁世鏐言三代而下、道學至朱熹、大明近有倡爲異學者、以陸九淵爲簡捷、而以朱熹爲支離、宜嚴禁以正士習、上曰、祖宗表章六經、勅崇正學、欲成正大光明之業、近年士習詭異、文辭艱險、有傷治化、行督學禁諭之、

給事中張原請去蕭敬不報、

十一月、兵科給事中夏言云、陛下奉天法祖、摠攬乾綱、明日達聰大開言路、宜詔令御前紀事給事中二員朝罷、赴左順門會同司禮監官、收該章奏、紀其數目、以防壅蔽、

又奏請于朝覲時崇廉抑貪以風官僚納之。○庚申壽安皇太后邵氏崩。○大學士王鏊以上遣使存問疏謝。因上講學親政二篇。上褒美之。

十二月羣臣奏壽安皇太后服制已滿宜漸從吉典御奉天門視事久之乃允仍命不鳴鍾鼓不鳴鞭。

癸未嘉靖二年

正月應天鳳陽山東河南陝西地震給事中黃臣請塞傳乞之門以消災變不報。

論從亂功廕已故太監趙山之養子名趙雲者以爲錦衣指揮太監楊璉丘清死復援山例廕養子楊倫丘麒南京

守儻戴義成復廢其從子戴錦戴復永監張欽請廢義成  
李賢以爲錦衣世襲指揮本兵彭澤及科臣夏言許復禮  
安樂許相卿爭之不報○大學士楊廷和言僉事史道論  
臣再三荷 皇上下道于獄而令吏部鴻臚寺官慰臣公  
論明而國是定矣第聞道有老母隨養京邸乞曲賜矜全  
以慰其母俾道改過自效詔曰卿忠誠體國正大光明史  
道挾私誣罔取罪卿更爲之陳乞具見休休有容俟鞠明  
處分是日 上復遣中使至廷和第賜之羊酒廷和疏謝  
溫旨慰之○巡撫何天衢言洛陽乃周公經營之地宜建  
廟賜額令守臣春秋致祭登封縣舊有觀星測景二臺公

遺跡也。土圭表漏具存。乞勅欽天監委官考正制度尺寸。書之史冊。從之。○謫言官史道爲金縣丞。曹嘉爲茂州判官。開闢爲蒙自縣丞。

三月。廷試進士。賜姚來等及第。出身有差。○楊廷和疏請斥遠僧道。停羅齊熙九卿喬宇等各疏諫止。上曰。覽卿等言。具見忠愛。至意朕已知之。

五月丁丑。雷雨交作。擊觀星臺。候風杵連石座碎之。○興廟視典。太常卿汪舉請用十二籩豆。如太廟儀。禮官賈詠言。正統本生。義宜有異。八佾太廟之禮也。安陸似宜少殺。以避二統之嫌。上曰。樂舞已定。令所司修之。何孟春等

力譴不報

六月叛人宋素卿等伏誅素卿假充日本貢使率其黨竄  
慈谿縱火大掠殺指揮劉錦蹂躪寧紹間已而浙江鎮巡  
官捕得素卿及夷人中林望古多羅等具獄論死

七月錦衣百戶張瑾監倉索羨凌人主事羅洪戴擬劾之  
瑾故哀懇願受笞洪戴以爲實畏已竟笞之瑾遂以違制  
擅撻錦衣官奏聞命卽逮訊科臣劉濟尚書林俊孫交各  
疏救不報因各求退上慰留之

九月林俊致仕

前倭以李鳳陽事被詰已有去志及執奏九  
臯不聽乃稱疾乞休允之賜酒饌資鈔以行

吏部右侍郎何孟春倣漢魏相因歲不登條奏故事引漢魏以下諸臣奏列爲八事一引漢魏相之言請禁止奢靡一引唐陸贄之言請慎重賞罰一引宋王禹偁奏請減百官俸皂一引范鎮奏請裁革冗費一引燕薊奏請廣聽納一引范仲淹奏請勞來安撫江淮百姓一引廖剛奏請諸州縣不許逗遛一引趙汝愚奏災傷州縣請預免來歲稅錢。上曰制祿養廉朝廷常典文武官俸勿減餘如議行。十月永福長公主。憲宗妹也卜以是月子歸蔡震時奉惠太后服未小祥而禮官上儀狀謂駙馬當四拜公主坐受其二科臣安磐言昔唐衛山公主適長孫氏子志寧以



明倫彙編  
家範典  
二大

太宗服未除爲言高宗從之問閭小民有新喪者不得婚嫁。今太后几筵未徹而輒行婚禮何以作極且駙馬雖賤而公主坐受其拜夫婦之禮亦甚乖謬舅姑儀節尚未定議亦宜酌裁以復古道不聽。

十二月光祿少卿華湘攝欽天監事上言堯時冬至初昏昴中、日在虛七度、今冬至初昏室中、日在箕六度、計未四千年已差五十度矣、自至正辛巳改曆至今每歲差一分五十秒、至今差三度六十四分五十秒也、洪武中博士元統言我朝曆法雖名大統實沿授時之舊、年數漸遠天道漸差、洪武距至正一百四年、歲差尚爾、況至今已二百四

十三年可無修改以合天度乎不報

支大略曰按時歷法起至元辛巳而不以辛巳為曆元其法以七千二百五十七萬六千為一元之中平分天地人三元每元計二千四百九十二萬二千六百八甲子至嘉靖四十二年甲子已五千二百九十五萬八千四百十矣是大地二元也今當一千九百六十一萬七千六百已在大元後推將來每年增一前考已往每歲減一是以太乙甲子為曆元而不從辛巳也今以辛巳為曆元者曆家以世遠強竟故戴去始元而以辛巳耳歲差之法起于子半虛六度約下十六年而退一度自堯至洪武甲子退四十九度五十七分故冬至日躔箕七度七十七分正統甲子退五十度四十一分故冬至日躔箕六度九十六分弘治甲子退五十一度二十四分故冬至日躔箕六度十三分嘉靖甲子退五十二度七分故冬至日躔箕五度三十分以後每度約退一分三十八秒四十九微自嘉靖初至今上壬午六十一歲又退九十三分非復至元舊也日食多寡則里差之法當講者日輪大月魄小故在下望之相掩南北不測每千里約差一分東西不同每千里約差數刻正德甲子

日食推步八分六十七秒而閏廣至食餘萬曆乙亥日食京師未甚而蘇杭至晝晦則南北地勢然矣

帝遣內臣之蘇杭織造工部言地方饑饉不必遣官及科臣章僑等各諫止不聽命廷和撰勅廷和疏言蘇杭諸麻四月後亢陽爲虐入秋來霖雨不止飢窘非常正供不給淮揚徐伍田廬漂沒幼稚計斤而鬻母子墜水而死更重以織造恐激他變勅書必不敢草上怒其違抗切責之廷和遂移疾乞休允之科臣葛鴻乞慰留不報

甲申 嘉靖二年

正月五星聚于營室○南京刑部主事桂夢上正大禮疏言皇上非爲人後而爲入繼之主當考典獻帝母興獻

后併錄都御史席書、吏部員外方獻夫二疏以聞。上曰：此禮關係綱常，會文武羣臣集議。

先是，上遣司禮監諭廷和加稱興獻帝、后皇號。廷和言不可，已而。上御平臺，召廷和及見於以手執諭如皇號。廷和言奉迎之初，正統本生，請諭已定，豈得不顧義理，徇情而行，皆不聽。至尋等跪入，帝心益堅。

科臣毛玉覈平濠功次，因疏內外官不宜交通藩府，著爲令。○禮部尚書汪俊等上所議禮，極辨桂萼等議禮非是。上諭曰：正統大義，不敢有違。第本生至恩，情欲兼盡。其衆論詳議以聞。○楚王榮誠以儀賓沈寶疏上，代府長史李錫、南京都察院經歷黃綰、錦衣千戶聶能與璵議合。帝益心動，命取席書、桂萼併從里中起，詣京集議。○興

國太后千秋節，令嫔各上箋賀，宴資倍常。○南畿諸郡大饑，人相食，巡按朱衣言民迫饑餓，廢婦劉氏食四歲小兒百戶王臣姚堂，以子鬻毋軍餘曹洪，以弟殺兄，王明以子殺父，地震霧塞，異彌千里，時盜賊蜂起，閩廣青齊豫楚間所在成羣，泗州洪澤江洋盜艘動以千數。上命戶部侍郎席書發帑藏截漕粟賑之，又發帑金才五萬分賑淮鳳三府江盜，勅操江伍文定擒捕。

三月給事中鄧繼曾言：祖宗以來凡有批答，必下內閣擬議而行，頃者中旨事不考經文，不會理，或左右羣行竊權希寵以至于此。陛下不與大臣共，而容若輩干政，臣

大興記

恐大器之不安也。疏入。上怒。下繼。曾詔獄寺降金壇縣丞。○初制郊祀畢。宴諸大臣。名曰慶成。上以災歉不安。修饌唐臯。言祭祀禮重郊丘。君臣情通宴享。帝王所以報本始而篤慈惠也。皇上潛升百度。惟新而臨御三年。君臣未同一日之宴。誠爲闕典。不報。○大理卿鄭岳言。臣勘事陝西。道經畿內河南。見太行西倚潼關。東繞懷衛。北極燕冀。水皆東注。南入于海。虛易淤泥。琉璃漳洛衛沁洛瀍其大也。宜令瀕水開田。築堤鑿渠。平時無水者。量濬畝澮。或爲陂塘。下通水泉。上蓄雨潦。數年之後。皆爲沃壤矣。戶部侍郎王承裕覆議行之。

五月修撰舒芬御史朱濬等各疏言、皇上孝事兩宮、當知一日與獻、太后聖誕、旣已朝賀、今昭聖誕辰、遽傳命婦免朝、禮數頗殊、關係不小、況當議禮紛更之日、此報一出、人心驚疑、乞別降綸音、以彰至孝、上怒其出位妄言、各逮訊、

四月、給事中安盤上疏言、今欲別立一廟于大內、則是明知恭穆萬萬不可入、太廟矣、太廟旣不得考、恭穆又不得入、是無考矣、世豈有無考之太廟哉、此其說之自相矛盾者也、上曰、朕本生聖母、躬親奉侍、而本生皇考、遠在安陸、於卿等安乎、奉先殿西室、所司其亟修葺、

以盡朕歲時迫切之情。禮官卽諏日具議。仍執違旨者罪無赦。

五月大學士王鏊卒。贈太傅。謚文恪。

鏊吳縣人。鄉會第一。廷試第三。初穎悟不羣。學問驟博。爲文春實爾雅。當時式之。至其立朝大節卓然在人耳目。上大夫多惜。未究其用云。

修撰呂柟以修省自刻。不職十三事。言甚切直。下鎮撫司拷訊。○上定奉先殿西室名觀德殿。奉安興獻皇帝神主。○霍韜赴召。力辨二父兩統之非。而席書亦上大禮考議。璵、璣至。復條七事以上。俱留中。鴻臚少卿胡侍言祖訓兄終弟及。蓋嚴嫡庶防覲覲耳。魯嬰齊不受命歸父。漢病已。



帝命昭帝何必受命乃爲後哉帝怒謫爲潞州判官  
○九月以張璪桂萼爲翰林學士方獻夫爲侍讀學士○上  
尋番滿速兒寇甘肅巡撫都御史陳九疇禦却之○詔廢  
遺忠劉莊賜祭葬復其家追念首倡誅瑾之諫也○員外  
蔣蕙上爲人後解二篇爲人後辨一篇上命鎮撫司逮  
訊○御史段續陳相各疏萼等假議禮以干進不宜驟加  
清秩帝怒其排妬忠良逮獄謫補外南京尚書楊旦顏  
頤壽沈冬魁李嗣充翟文奎侍郎陳鳳梧等都御史鄭文  
盛伍文定等各上言俱切責之

七月璪萼上言今日典禮願與禮官辨晰列十三事以上

一曰三代以前無立後禮二曰祖訓不言立後三曰孔子射于矍圃斥爲人後者四曰遺詔不言繼嗣五曰禮經本生父母六曰祖訓稱天子爲叔伯父七曰漢宣帝光武俱爲父立皇考廟八曰朱熹嘗言定陶事爲壞禮九曰古者遷國載主十曰祖訓皇后治內凡外事無得干預不宜假昭聖懿旨十一曰皇上於大行壽安太后不得率天下終三年喪十二曰新頒詔宜改正十三曰臺諫連名章疏勢有所迫禮官欺妄罪不可追疏入何孟春復爲論條辨帝切責之○帝罷朝齋居文華殿金獻民徐文華倡言諸疏留中必以孝宗爲皇伯考矣何孟春日憲宗

太后葬禮尚書姚夔率百官伏哭文華門力爭  
憲宗從之此我朝故事也楊慎曰國家養士一百五十年  
仗節死義正在今日王元正等遂定期羣臣于金水橋曰  
萬世瞻仰在此一舉不力爭者共擊之于是何孟春等二  
百二十餘人俱跪伏左順門大呼高皇帝孝宗皇帝  
聲徹于內上使司禮諭退不從上命錄爲首者以學  
士豐熙給事中張紳等八人詔獄楊慎王元正乃撼奉天  
門大哭羣臣皆哭聲震闕上大怒命逮馬理等一百三  
十四人俱下詔獄併何孟春金獻民等共二百二十人爲  
首者成邊四品以上奪俸五品以下朴誚豐熙等一百八

千餘人各杖有差病剝卒者十有七人

八月晉府西河王奇溯母嘗病渴王仰祝天井泉湧出病愈建醮祈禱有雙鶴飛鳴繞壇後母卒王哀毀骨立宮墀古柏生奇花二異香襲人人以爲孝感下所司勘實命勅獎諭○大同軍亂殺巡撫僉都御史張文錦

大同兵素驕悍自江彬擅調後益恣肆先是元年七月以糧餉弗給聚衆譟噪欲爲亂提督侍郎歐陽巡按御史張欽捕得惡首張的祥等跪請置之法兵部言宜大禮銀久缺近戶部會奏發運銀米始到查處未周以致軍士爭喧原情論罪終當撫處上特命法司會議謂頃年王將因循政多姑息不及今重懲之恐煽亂之風日熾宜如鳳欽言詔戮其爲首者五人餘調極邊守是歲築水口等五堡遣卒二千五百家成之皆不樂往文錦嚴令輟之衆將賈鑑杖其隊長督之行諸卒郭鑑等遂倡亂殺鑑裂其屍走出塞上屯於焦山坡文

錦處其勾虜使副總兵時陳游擊葉宗相之還鎮已文  
錦營隊官關山等廉得其首惡欲捕之請卒恐乃復糾  
集焚大同府入行都司縱獄囚攻圍文錦文錦聞變踰  
牆走匿宗室博陽王所被卒擁衆圍王索之急王懼出  
文錦遂殺之亦裂其屍閉諸城門焚鎮守總兵公署出  
華任總兵朱振於獄逼令爲王振與約勿犯宗室勿掠  
倉庫勿縱火殺人衆曰諾鵬副總兵時陳爲奏乞宥  
按御史王官以事聞上咎文錦撫馭失宜激衆致變  
命兵部左侍郎李昆宣勅曲救之改宣府都御史李鐸  
巡撫大同陞都指揮桂勇署都督僉事代總兵以宣府  
副總兵靳英代時陳各起令速往仍令團營內外官選  
鋒聽征該部預備糧餉俱以密勅行事鐸尋以毋憂乞  
終制去陞山西按察使蔡夫祐爲右僉都御史代之給  
事中劉祺通政司經歷李繼光兵部主事汪泰皆言今  
日大同之變由前日處甘肅叛卒之少寬法不可縱恩  
不可濫宜急命素有威望大臣假之重權討除克逆以  
正國法侍郎李昆至大同因疏言文錦志在立功而以  
剛愎生變彼之一身誠不足惜所可恨者剛紀廢壞爲  
國家耻爲今之計惟在急罷羣情所不順者以慰其心  
勅新任鎮巡官公忠協濟而文錦削髮恭露妻子流離



鎮守太監王觀及革狂總兵江湘時陳等密疏叛軍  
惡姓名觀疏五人相陳疏入人兵部言相陳躬在行間  
折見酋宜其確請勅贊據名擒捕即行梟示上然之  
璜等以十一月辛巳發京師御史王官言重兵壓境人  
心動搖乞且留璜聽其與鎮撫官密圖捕逆而叛率殺  
知縣王文昌事官至是始言之上責其奉事推延且  
勅之曰王官既欲定計捕逆何不蚤奏璜等相機前選  
王官協同贊來毋得狐疑觀望已而天祿驥言總兵杜  
勇捕得倡亂軍士岳世美等五十四人乞停止重兵  
上責天祿阻撓所捕名數與勅革所疏不同兵部乃言  
朝廷命將出師人心震懼天祿等慮變生不測故請殺  
兵以安其心因集叛卒責以首報罪人姓名亟卒誅以  
昔日行劫快死者具上而觀等所報首惡尚未概論該  
鎮天祿固未知也上命亟偵實以聞是月庚子都督  
桂勇十戶苗登王紳等奉贊密檄計擒郭鑑等十一名  
揭示勅旨斬首梟示隨撫定五堡軍士矣越二日堅軍  
郭巴子等復起拒城戍勇家議嚴登神等案於是璜請  
率兵臨境設法擒獲上責天祿等不戴罪擒賊自  
贖仍令璜暫駐宣府俟事平即日班師召桂勇還以朱  
振代之四年正月天祿等擒首惡徐璉等四人璜等遂

班師還京復跪列大同功狀因盛言廷臣運籌協謀功  
爲給事中鄭一驥御史蕭一中所劾上責賈莊師不  
俟命有功人員命候覈實陞賞三月庚午天祐復捕獲  
首逆郭子巳等四名助逆焦亞雲等三十四名以事平  
聞上命賞天祐等銀幣有差郭巴子等依律論罪處  
決仍刻榜梟示文錦卹典廷臣屢爲言之上皆不許  
巡撫江西都御史陳洪謨疏言文錦邊圉重臣致茲大  
患誠宜加譴以爲付託不效者之戒第事在朝廷雖誅  
夷之可也若緣假手士卒又從而懲過之傳之四方羣  
小藉口後生陵替之謂其於國家紀綱所損不小乞量  
加優卹庶名分全而紀綱可振上  
謂洪謨出位妄言降旨切責之

九月汪偉鄭岳徐文華與璵等辨論未決武定侯郭勛遽  
曰祖訓如是古禮如是人臣事君將順其美璵等言當于  
是書璵璵獻夫會公鶴齡侯勛仇鸞等六十四人上言三  
代之法父死子繼兄終弟及今孝宗有武宗爲子不宜



更立。皇上爲後人無二本。孝宗伯也。宜稱皇伯。

孝昭聖伯母也。宜稱皇伯母。允合天理。協人情。獻皇帝主別廟。不入太廟。尊尊親親。兩不悖矣。于是稱孝宗敬

皇帝曰皇伯考。昭聖康惠慈壽皇太后曰皇伯母。恭

穆獻皇帝曰皇考。章聖皇太后曰聖母。詔諭天下。

陳建曰。定此大禮。似不消多言。只孔子曰。必也正名乎。一語決之矣。夫衛出公不父其父。而補其祖名。實繁矣。故不得不以正名爲先。今武宗無嗣。聖天子以獻皇帝之子。遵皇祖兄終弟及之訓。入繼大統。其倫敘名稱固已素定。所謂天親不所以人爲。豈得假爲人後者爲之子之說。及宋司馬輩漢國之議。以湘之哉。善乎。方公獻夫之言曰。臣非敢謂宋人濮王之議不是。今日之事不同也。宋仁宗無子。今我孝宗有。武宗爲之子。其不同一也。宋仁宗嘗育孝宗也。其不同二也。宋濮王

切于情理  
達乎時勢  
而為言于

有衆子。今 獻皇帝子止 皇上一人其不同王也。此  
三不同。昭若黑白。烏得牽合而強附哉。愚謂就執民間  
承繼之說。與夫為人後者為之子之文。以例今日亦肯  
戾不通。蓋民庶繼嗣。必其無子而後繼之。必其衆子而  
後出為人繼。今 孝宗已有子 武宗矣。乃復強為之  
繼。 武宗未嘗有子也。乃不思所以繼之。 獻皇子止  
聖天子一人。乃欲奪之使他。已是一舉而三背禮。三不  
通矣。又烏得牽合而強附哉。夫由前則三不同。由後則  
三不通。此事至明。而當時舉朝昧之者。何也。自有數說  
焉。一謂 孝宗十八年之深仁厚澤。不可使之無嗣也。  
而不思無嗣者 武宗非 孝宗也。二謂不可忘 昭  
聖迎立之恩。不可不事之為舅也。而不思迎立公也。毋  
以報之。私矣。三避迎合之嫌。而希犯顏敢諫之風。而慕  
面折廷諍之忠也。四謂思易道隨時變易。禮特為大順  
人心。不可適莫而意必。執一而膠柱。此皆由近世士夫  
夫習見于漢宋諸君立後之事。膠蔽于為人後者為之  
子之說。而不知我 朝自有制度。我 皇祖之訓。至千  
父沒子繼。兄終弟及。與漢宋諸君立姪故事。大不相侔  
也。五代人君。抑私情。尊大宋。自謂秉義執禮也。而不知  
父子天性。不可辨。孝子莫大乎尊親。今羣臣未及瞻封

父。母。則。勝。然。皇。皇。然。而。乃。欲。注。末。世。不。同。之。故。事。以。與。待。君。之。親。明。尊。親。之。孝。然。而。乃。欲。注。末。世。不。同。之。故。事。以。乎。是。數。者。皆。惑。于。似。是。而。不。知。其。實。非。遂。至。于。舉。朝。聚。訟。而。不。可。解。也。是。故。必。繼。統。不。繼。嗣。始。為。名。正。言。順。父。父子。子。兄。兄。弟。弟。親。親。尊。尊。各。得。其。當。而。無。嫌。一。正。名。靖。之。初。似。涉。獻。諫。今。著。于。此。紀。實。昭。國。是。後。世。必。有。能。諫。吾。言。者。

安陸松陵山。帝既改名顯陵等諸陵矣。百戶隨全者。請改遷工部尚書趙璜言。顯陵為先靈體魄所安。不可輕犯。山川靈秀所萃。不可輕泄。太祖不遷孝陵。太宗不遷皇陵。可以為法。帝命多官集議。席書等亦言。顯陵勢如伏鳳。氣結盤龍。實山川之勝。隨全妄議。乞罪之。帝曰。先

陵遠在安陸。朕瞻仰哀切。其再議之。書與璵。璵復言不可。  
遼○新定運糧軍行糧。隨正交兌之法。官軍便之。惟蘇松  
二府原無坐額。江北行糧勢難加派。于是應天巡撫吳廷  
舉請以各府該運鳳徐二倉糧免解。民運納到倉。即在水  
次兌與江北官軍。以抵合用行糧。淮楊等府原坐常盈倉  
糧。就近改鳳徐二倉補還。江南蘇松等府糧數。庶起存之  
數。兩不相虧。戶部覆議從之。

十一月。吏部侍郎胡世寧以疾在告。上疏曰。羣臣有罪。宜  
下司寇問理。輕重誅黜。皆依律斷。今鞭朴行于殿廷。刑辱  
上于大夫。非所以昭聖德也。下禮部議聞。○評事韋商臣

臣以廷平既獄爲職今羣臣以大禮忤旨調任者侍郎  
柯孟春謫戍者豐熙等八人杖死者王恩等十七人皆國  
家大獄關係非小願復戍者之官錄死者之後逮繫者釋  
之而正計者之罪 上以商臣沽名竄奏降二級調外○  
遼東妖賊李冀陸雄等聚衆謀不軌入山海關殺守關主  
事王冕守臣以聞命各鎮巡官逐捕並優恤王冕

乙酉 嘉靖四年

三月修獻皇帝實錄光祿署丞何淵上疏請立 世宗崇  
祝太廟禮部會議科臣楊言等皆極言其不可 上不聽  
席書乃會廷臣議請于軌城之東皇城之內立一稱廟前

後寢如文華規制出入不與太廟同門坐位不與太廟相並祭用次日廟欲稍遠庶以成祖廟獨尊之體避兩廟二統之嫌上可其奏命度地興工親定其名曰世廟

七月命建崇先殿上以觀德殿規制窄隘宜於奉先殿左別建一殿奉安皇考神位工部尚書趙璜言與奉慈殿對峙恐獻皇之靈弗安況外有世廟可勿更書亦言大工相繼民力宜惜上不聽復諭大學士費宏宏請勅該部卜日興建○壬寅世廟垂成上自製樂章示宏等命更定曲名別於太廟

唐更撰世廟祭章迎神曰永和初獻曰清和亞獻曰康和終獻曰冲和徽饌曰太和還宮曰寧和

辛卯 帝奉 章聖皇太后謁見世廟 帝諭輔臣曰

聖母欲謁世廟卿謂何如宏一清曰國初禮制皇后初謁太廟永樂時改謁奉先殿無至太廟者以正乾坤之位謹內外之防也聖母謁廟不可 帝以問璵璽對曰唐開元禮有皇后廟見之儀國初皇后謁太廟內外命婦陪侍永樂止謁奉先皆當時禮官失考非祖制也皇太后中宮宜先見太廟以補前禮之缺次謁世廟以成今禮之全宏一清曰璵璽所引開元禮不可爲法國初禮文未定二臣欲復廟見是彰祖宗之闕也不可 席書劉龍曰 高皇帝準

古廟見禮爲大婚冊后之制未及施行復定冊后止謁奉  
先殿璵所引俱婚禮今乃行大祭禮不可附會章聖皇  
太后宜奉主後謁觀德殿以守祖法璵夢曰周王宗廟之  
祭王服袞冕而入立東序后服副褱而入立西序九獻各  
四拜是天子與后共承宗廟也皇上毅然舉行以復古  
禮未爲不可因具議上席書等不能難乃請皇上同行  
以主斯禮從之○勅建處士吳與弼祠

八月致仕刑部尚書林俊卒病時疏言身後乞免祭葬以  
安存歿矜錄議禮諸臣以慰幽明廷杖之法威化初皆厚  
綿重殯止以示辱逆瑾亂政始解衣篋楚非仁厚之道也



禮部如羅欽順王帝仁呂機魯錄遠宜引用以裨聖德

次大楷曰見素立朝正直不妄說  
隨尤好引掖後進庶幾君子信乎

楊一清請勦西虜上慮啓衆命具制勝方略以聞

時清已起致仕爲兵部尚書兼  
左都御史提督陝西三邊軍務

上念歲災民困欲暫止仁壽宮役大學士費宏等言昭

聖皇太后久處仁智殿意或不安以漸修復庶足以見

陛下之孝又方有旨修建不待世廟工完旬日之間再

難改更上曰時值災傷民生困苦殊甚欲暫停以恤元

命皇伯母安處仁智殿亦爲宏敞但孝奉不可一日或

缺而小民亦當愛念所遣各官毋得科擾

九月上以四方災異命輔臣撰旨諭上下同加修省大學士費宏等奏用度不能節省則民財竭於科歛工匠不能停減則民力勞于奔走近京地土半爲莊田而民間養馬當差之費無從辦納入庫錢糧賠納過多而遠方承領管解之人無所控愬太倉無三年之粟而冗食者收充不已京營無十萬之兵而做工者借撥不休況忠直之士以觸忤得罪而未蒙寬宥臺諫之臣以敢言爲讎而每加詰責有罪當刑者屢經審錄而不爲處決無冤可辯者或加優旨而仍令看詳皆足以下致民怨上干天和又前日

改過  
從善

皇上憫念民窮欲暫停仁壽宮役臣等不能將順聖意  
者因修省暫且停止亦未爲不可也疏入上曰覽疏具  
見忠愛輔導之意近日或雨雹或星變朕以惶懼故命卿  
等撰旨省察此非下民之咎其失在朕也卿等所奏工役  
未造者停止見造者亟完各監局匠人等係是舊額除奉  
旨外毋得煩擾京營之軍令兵部議處言官以盡職爲實  
輕率者亦宜治戒因有罪迫生窮民以寬抑致感令法司  
從公審處其餘事宜所司酌議以聞于是工部尚書趙瓚  
請罷玉德殿等工併世廟及仁壽宮完日乃可議興他工  
上納其言併罷仁壽宮召採木侍郎王軌來京

十一月先是甘肅之捷諸臣恩廕有差而叅隨人等均陞一級似爲過濫及查尚書金獻民杭雄俱照欽依額數各二十員名而張忠諸人等反至九十員名科臣鄭自璧奏之不報○命再註尚書伊訓併聖祖所製洪範註與近目御製無逸分爲三書共成一帙復命將臯陶伊訓無逸註釋名曰書經三要○召一清入內閣起致仕兵部尚書王憲代憲至則請征勦如一清言上竟不許

丙戌

嘉靖五年

正月 上製咏春及四景詩屬宏和親序其端名曰咏春  
附德錄○戶科管律言兩淮鹽課舊制七十二萬引有森

嘉靖五年始盡復舊規則公私兩便從之。  
生奸遂令商人自請開中又皆折收銀價緩急無備臣請  
國不言虛邊不告款正德中改常股存積皆爲正課破例

二月虜亦卜剌住牧寧夏賀蘭山後將以永合渡河入套  
提督王憲總兵杭雄却之○御史雷應龍請罷光祿寺歲  
供鳥獸飼肉一萬六千餘觔秣豆五千二百石命所司覆  
數以聞○戶部尚書致仕韓文卒贈太傅謚忠定

按文清心寡慾憂厚雍粹又奮勵克養謚量宏居常  
抑抑至臨大事斧斷運繫之死不撓卒年八十六所著

有質菴奏  
議歸田錄

畿內饑。上命發郡縣倉庾及太倉錢穀賑之。

三月廷試進士。賜龔用卿等三百人及第。出身有差。

四月御史鄭洛言。據張璉劾費宏受玉納賂。是宏爲貪夫。不可以司政本矣。而人無非之者。以其藏垢納污之量也。以璉萼之言。宜其可以秉國柄矣。而人無與之者。恐其睥睨代宏。遂至流毒天下也。乞諭宏以知足之義。戒璉萼暴橫之愆。各令罷歸。別選賢良以副任使。不報。

五月御史謝汝儀上言。伏願推復衛道之心。宥豐熙余寬。張漢卿郭楠呂楠等而敘用之。推黜崔文之心。退王堂谷。

大用而別選內臣謹厚者以充任使。

時科道衛道丘養浩以言忤旨尋復其官崔文以體權斥罷故引此爲言

大學士楊一清疏五事一曰聖孝二曰聖政三曰聽言四曰宥過五曰和衷上優詔褒答

七月副都御史張潤請申訟臘株連之禁從之○享太廟遣駙馬崔元代給事中章僑言廟享重典不宜遣代奪俸三月○時上聽政之暇頗事詩詞間與大學士費宏討論詹事桂萼忌之托言詩詞小技恐勞聖躬上曰朕學詩不妨政務爾言固見忠愛但宏既居輔弼職在講論朕有所疑亦必諮問○山西巡撫江湖言宗室蕃衍祿米日

解得妙

增歲徵不足。乞將各府祿糧徵收。每石夏稅六錢。秋糧八錢。而放支則折銀五錢。俾其餘數以補不足。戶部覆其撙節得宜。請著爲令。

八月 上御書十二言曰。法祖安民。奉天行道。福善禍淫。頒示羣臣。

十月 上製敬一箴。及注范浚心箴。程頤視聽言動四箴。頒賜大學士費宏等。各疏謝。○編修孫承恩。摘尚書中善惡事。編成韻語。以爲法。唐虞至宋元人君事迹。可爲法戒者。彙括成詩六十首。以獻。上嘉納之。賜名鑒古韻語。

十一月 淮海泛濫。諸臣上疏請治。俱下該部議。



禮部尚書吳一鵬上言清河以北兗州以南水勢漸趨  
由蘆港旁請敞束河河運塞等處或竊故道以通其流  
或開支河以分其勢巡按稱相言兗南徐北去東海不  
遠於此開一渠以立以壩閘遇水發則分流以殺其勢  
遇水小則鎖閘以截其流時大學士費宏亦言我朝河  
勢南趨自入河南汴梁以來分爲三支或由亳穎等州  
地方過河等處或出宿遷小河口或從懷遠縣至泗州  
出淮河其勢既分故雖有衝決之害亦不甚大正德末  
間過河日就淤淺黃河南趨之勢既無所殺乃從蘭陽  
考城曹濮地方奔赴沛縣之飛雲橋徐州之溜溝等處  
悉入運河自徐州至清河一望皆水耕稼失業淹年租  
稅無從與辦官民船隻通無牽輓之路前數年河溢之  
患也近來沙縣至沛縣浮沙壅塞隨潞隨淤官民船隻  
乃從昭陽湖取道往來然昭陽湖積水不多春夏之交  
河而淺涸則運道必至沮塞京師歲數百萬之糧何由  
可達官軍數百萬之衆何由仰給此可憂之甚者爲今  
之計必須過河等河如舊通流分殺河勢然後運道不  
至泛溢徐沛之民亦得免于漂沒巡按直隸戴金又言  
黃河入淮之道有三一自中牟至荊山合長淮之水曰  
渦河一自開封府至葛岡小壩丁家道口馬坊集戴金

巢口至淞洲出小浮橋曰汴河一自小溝經歸得城南  
飲馬池文家集經夏邑至宿遷曰白河弘治年間黃河  
發遷清河白河二道上源年久漂塞而徐州衛受其害  
若自宿遷小河一帶併貫魯河勢盡口文家集壅塞之  
處逐一排濬使之疏通則趨淮之水不止一道而徐州  
水患可少殺矣廷校劉崇亦以為言都議言宜塞支河  
口相黃河水勢向背開河  
地勢高下講求疏濬之法

十二月左都御史時源條陳邊務三事實邊軍以禦外侮  
蓄馬力以壯軍威明賞罰以勵士氣上從之

丁亥嘉靖六年

二月降錦衣百戶王邦奇為鎮撫

時王邦奇已陞千戶遇詔削級邦奇以詔出楊廷和子  
澤怨之及奏復舊職又為彭澤所抑乃上疏陳邊事廷  
澤與廷和請誅此兩人疏下兵部復上言賈宏石琚  
楊廷和奸黨得奏欲為蕭綬而廷和子兵部主事無

匪舊牘令前後奏辭皆不得驗彭澤弟彭冲又為文達  
議化上命下律等獄令廷臣會鞠科臣楊言奏邦奇  
心懷怨望詬辱大臣帝怒其為大臣遊說即斬中丞  
繫下鎮撫司鎮撫侯世隆覆邦奇所奏皆虛妄上謂  
仕隆徇情曲護切責之以楊惇隱匿卷宗疏職編  
吳揚言輕率妄言誦外任邦奇陳言希用降之

石璠致仕以席書為武英殿大學士卒于京贈太傅謚文  
襄以羅欽順為禮部尚書不至○南京禮部尚書邵寶

卒贈太子太保謚文莊

寶無錫人質性純懿問學該給孝親睦族獎後進應  
務之才細巨皆適所著有學史簡端錄二書延撫吳廷  
舉上  
于朝

三月贈歿節知府宋以方光祿卿廕一子

初宸濠有反狀瑞州知府宋以方繕集民兵以備濠使  
至不為禮微素皆不應濠中以他事逮繫南昌獄明日

以爲丁然  
九列何

素反誠以方至舟中。以方駕策不屈赴水。至是延撫等謀謀止其事得贖。

四月大學士費宏致仕。○以羅欽順爲吏部尚書復不至。

○議行馬政時兵部言祖宗制養馬在順天府所屬論地。派養此外更無別科種馬在應天府所屬論下派種。此外別無他役。如有倒失雖赦不蠲項者有司怠玩漫不檢覈。或地歸豪右而養馬累于細民或丁多逃移而種馬重于漸耗。馬政之廢實由于此。宜令順天府屬縣地應天府屬縣種其地亡馬有者卽以其馬責之佃主其種馬若有今亡者俟秋成日以漸買補則數年之後馬可蕃息。詔如議。

議行

五月京師雨錢

六月總督兩廣軍務都御史姚鏌請討田州叛賊岑猛

按猛者田州指揮也其先口伯顏以歸降世田州府  
從承襲後與思恩州仇殺降為千戶正德中略墜得以  
同知再州事兵威復振每殘虐鄰郡地方擾亂都御史  
盛應期奏猛反未報姚鏌代之再請得旨乃分兵討之  
歸順知州岑瑄女嫁猛失愛素憾之乃與吾師通伴以  
姻故遣兵助猛長子守隘實為內應吾師因得深入斬  
其長子邦彥猛急欲逃瑄誘走歸德可達安南再圖興  
復猛卒從之至歸德瑄用計為死之斬其首收所佩印  
遣使馳軍門上之猛三子一敗二出亡諸惡目俱被擒  
斬惟盧蘇王綬未授首捷聞賞功有差已而蘇綬復反  
藩臬諸司素與鏌沮者因僞言猛未死鏌為歸德所欺  
又言猛歸安南入寇于是請江諸宗室復流言海內云  
起新建伯王守仁以兵部尚書總制兩廣及江西湖廣軍  
務

盧蘇王綬既反，御史石金遂劾錢輕信寡謀，撥兵無策，田州不得并思恩失之。上怒，落鎮撫，先是軍興錢枝命支廣東司府帑庫銀兩，不得自分彼我，至是兵部議奏謂兵連兩廣調遣事干鄰境地方必得重臣前去總制督同議處乃安。上乃命王守仁代之。凡一應王客官軍主副將校三司官屬悉聽調遣節制。公同計議行上聽講大學衍義製五言詩并序一首示大學士楊一清等清等依韻和進。上命集成一帙名曰翊學詩。

七月總理河道章拯言今濟漕有二處，一曰孫家渡在榮澤縣，一曰趙皮寨在蘭陽縣北，皆可引水南流以殺河勢。但此二河通亳州渦河東入淮，又東至鳳陽長淮壽春王等園寢爲患巨潮。惟零陵縣北岔河一道通飲馬池至文家集又經夏邑至宿州等離橋出宿遷小河口趙皮寨文

家集凡二百餘卷。其中壅塞者宜大加濬治。庶水勢發而  
圍寢無患。乃爲圖說以聞。上然之。命卽舉工。

八月命吏部左侍郎桂萼著刑部事。兵部左侍郎張璁署  
都察院事。少詹事方獻夫署大理寺事。平反囚李福達獄。  
釋之。論御史馬錄等罪。

按福達山西代州崞縣人。初以妖賊王良謀反。連坐發  
戍山丹衛。迺還。改名李五。清軍御史勾發。山海復進。寓  
陝西洛州縣。倡彌勒佛教。煽誘愚民。縣惠慶節進祿。從  
之。福達用是貲日起。乃誣進祿等聚衆相侯。獨闕貲還  
山西。而進祿等事露。因捕急。遂與衆爲亂。久之。捕獲。供  
稱李五首謀。福達間之。竄居五臺縣。易姓名曰張寅。往  
來大同之同戈鎮。已又挾重貲入京。竄入匠籍。幹柴爲  
山西太原衛指揮。其子太仁。太義。太禮。俱補伍役。並能  
燒煉丹藥。往來武定侯郭勛後。仍往同戈鎮。其仇薛良  
首發之。福達懼。逃入京。官司捕得其二子。案繫之。福達

籍乃自詣獄置對。先后鞠訊者代州知州杜薦、胡偉、証之者李景全等。凡三千人具獄。上布政使李璋按察使徐文華等復上。已按御史張英皆如訊。獨撫畢昭謂福達果張寅爲仇家証所致。反其獄。以居民戚廣等爲政。坐良罪。擬口外爲民。獄未竟。昭乞侍養去。會御史馬錄按山西。復窮治之。傳爰書如前訊。勛爲貽書囑免錄。不從。擬福達謀反。妻子緣坐。上其事于法司。于是左都御史聶賢等言。福達挾仇誣陷亂宜置重辟。而郭勛交通逆賊。納賄行喝。法宜並坐。得旨如奏。勛令對狀。具服謝罪。上特宥之。給事程輅等先后劾勛請正罪。勛亦自訴。且以議禮詞衆怒爲言。上置不問。已而錄與撫江潮疏論勛給事中常泰等復各疏論勛。請如律。上令逮福達來京審問。逮至。詔會三法司官勘實。刑部尚書顏頤壽于午門外會訊。時告者薛良衆証李景全等共指福達。福達語塞。而前畢昭引証薛良之証者戚廣也。訊之復云。我曩未就吏訊。安得此言。頤壽等以其詞上。上怒。壽等偏徇。欲親鞠。楊一清諫止。仍屬諸勸官會訊。刑部主事唐樞言。福達罪狀甚明。擬死不枉。上怒。默爲民。願壽等懼。乃雜引前后讞詞。指爲疑獄。上切責壽等。仍繫馬錄下鎮撫司鞫治。一時論議。



臣俱遺棄其子... 不... 及... 連... 良... 為... 治... 昭... 犯... 陞... 按... 程... 漢... 郎... 泌... 少... 張...  
... 司... 事... 治... 等... 搜... 錄... 有... 大... 學... 士...  
... 及... 郭... 勳... 凡... 入... 終... 誅... 書... 別... 有... 所... 職... 美... 等...  
... 上... 貴... 對... 狀... 引... 罪... 致... 仕... 逮... 問... 神... 等... 美... 書...  
... 孟... 春... 并... 逮... 焉... 等... 延... 鞠... 具... 狀... 清... 氣... 為... 仇... 家...  
... 又... 綰... 周... 儀... 等... 誣... 証... 入... 寘... 罪... 後... 得... 白... 反... 坐...  
... 按... 部... 至... 郭... 勳... 致... 書... 求... 解... 錄... 素... 憾... 勳... 乃... 窮...  
... 今... 考... 其... 姓... 名... 年... 歲... 皆... 不... 倫... 此... 皆... 錄... 欲...  
... 在... 問... 官... 阿... 意... 承... 指... 遂... 成... 大... 獄... 請... 罪... 各...  
... 薛... 良... 誣... 告... 論... 死... 石... 文... 舉... 等... 誣... 証... 布... 政... 使... 今...  
... 按... 察... 使... 今... 陞... 太... 理... 少... 卿... 徐... 文... 華... 阿... 附... 巡...  
... 但... 發... 皮... 極... 邊... 遇... 赦... 不... 宥... 給... 事... 中... 劉... 琦... 御... 史...  
... 扶... 私... 彈... 劾... 戊... 邊... 給... 事... 中... 王... 科... 張... 達... 索... 祐... 沈...  
... 同... 奏... 俱... 為... 民... 刑... 部... 尚... 書... 顏... 頤... 壽... 侍...  
... 都... 御... 史... 江... 潮... 劉... 文... 莊... 大... 理... 卿... 湯... 沐... 少... 卿... 願...  
... 畏... 避... 言... 官... 推... 勘... 不... 實... 太... 僕... 卿... 汪... 玄... 錫... 光... 祿...  
... 吏... 部... 侍... 郎... 孟... 春... 工... 部... 侍... 閔... 楷... 都... 御... 史...  
... 各... 職... 關... 住... 知... 州... 杜... 蕙... 胡... 偉... 下... 巡... 按...

御史勘問。既撫畢。照與張寅父子俱免罪。還職。復馬鎮。故入人罪。或末決擬徒。上以擬猶重等。復擬發烟瘴。地面永戍。已諸臣出差逮捕至者。給事中常泰。員外郎劉仕。戍邊寺副杜鸞。御史高世魁。任淳。南京御史姚鳴鳳。原任刑部員外郎陸念。事司馬相。俱為民。金都張潤。原任御史陸太僕少卿張英。南京御史滿任。戚雄。俱開住。

按是獄初起時。郭勛奉旨詰問。已具服謝罪矣。及在廷諸臣攻之益急。勛遂力圖反噬。且以議觸衆怒。為詞于故入人死罪。未決擬徒。乃李璋徐父善。以殺人。焰人劉琦。盧現。程啓。充以扶私。彈劾。各戍邊。解。輕重惟意。高下在手。一何野也。先是吏部郎中彭澤。大計請外。總為澤訟冤。言文善。現。啓。充。皆以大體事。令謀傾澤。次且及總。總以入獄。心于三臣。惟。今。日。矣。璋。琦。之。戍。解。謂。張。及。盧。角。手。讀。實。錄。所。為。總。傳。則。曰。奉。詔。勸。勸。重。獄。獨。違。衆。議。龐。張。寅。等。之。死。蓋。江。陵。當。國。專。總。裁。之。柄。曲。護。永。遠。遂。顛。倒。是。非。聖。此。百。世。而。下。當。有。能。辨。之。者。論。曰。宋。嘉。祐。仁。是。舉。也。果。為。三。等。寬。獄。乎。哉。亦。豈。第。定。從。議。者。自。是。其。實。大。禮。時。總。等。與。勛。同。上。議。是。也。

上亦以勸爲心。警臣矣。及福達獄起而臺陳諸臣乃力  
 定。永嘉等臣之必永嘉等成之非爲福達爲武定耳。  
 武定獲伸。則以諸臣之爲。則有弗卹矣。甚哉永嘉之舉  
 也。然則臺陳諸臣豈盡無過乎。夫武定主福達罪。固  
 在。而必欲連坐。則甚矣。富福達叛亂時。武定豈與其謀  
 耶。及福達以方術見。勸亦以方術遇之耳。而豈對前日  
 之爲叛賊也。迨其事覆。特不宜與之請。噶耳而噤使陳  
 自。則未知其果有與否也。故待福達獄定之後。治其請  
 噶之罪。亦足矣。而何故必欲其連坐哉。况知情藏匿。故  
 縱之律。本與勸事不相似。而必引此繩之。欲置重典。此  
 其所以激成翻釋之紛紛也。况福達之獄。前已奉命  
 決矣。使當時諸臣稍存寬緩。待福達磔死之後。羣攻武  
 定。則勸亦百口莫解。雖欲再勒福達以自爲地。何可得  
 耶。惜乎諸臣慮不復此。而使法司大臣。滿集諸司。俱罹其禍也。悲哉。

時以陝西之役。歸功楊一清。命賈詠擬制加恩。一清疏辭。  
 殿學非賞功之官。武蔭非無功可賞。上察其誠。免賜蔭。

餘如前旨。○張璉請沙汰錦衣旗校冗官冗兵凡革旗校三萬一千八百餘人。歲省糧儲數十萬。革冗官冗兵四萬餘人。歲省京儲一百六十八萬石。○大學士楊一清上振飭京營兵務六事。一本兵職重事繁宜另設都御史專董管務簡素有才望者充之。一坐營官多資鄉統轄不嫻軍旅宜推用各邊閒將曾經戰陣者。一各營宜通行簡閱選勇健者三千人爲第一等。又選胆力過人武藝精熟者爲戰鋒專備征調。稍次者備防守禦。羸弱者退更之。一軍上操練必襲舊規惟逐衆聚散今宜使熟知號令人人習于進退之度擊刺之法。又簡其熟于武藝者各一二人爲

其教習。責以成效。一營軍強壯。應實者。多出。營中。營求走役。又各官役占者多。所操練。征發。多係貧軍。而包辦走役者。不與焉。軍心怨憤。且管隊等官。科歛多端。軍安得不貧。今宜嚴禁。違者治之。一京營之馬。非壯大者。不以給軍。給過數月。隨即羸弱。死者相繼。聞各軍一年。全支草料者。只三月。餘月折銀。所折不足以供。立以待斃。宜量增其數。以卹貧軍。乃立法。稽其倒失之數。覈其替朋之銀。庶養馬者。不至貽累。被罰者。無詞。疏入。下部行。乃改刑部尚書。率承勛。于兵部。兼右副都督管務。

大學士楊一清疏曰。太祖設五府四十八衛。太宗建都燕京。仍立五府。增七十二衛。設五軍神機三千大

營都城之外設大教場操演武備又以河南山東大寧中都四都司官軍輪聚京師歲終月練無事足以壯國威有警足以禦外侮真得居重馭輕之宜矣厥後天下承平兵務漸弛正統己巳秋止秋段侮幾危宗社景泰初兵部尚書于謙乃于三大營中挑選精銳者分立十營圍練是爲團營體統尊嚴條教明肅四方有警或用一營二營三營以次拔擢而行不用臨時挑選其選到不堪者退回原營謂之老家天順初年罷之成化初年復置後增爲十二團營分布益嚴戎武益張于時一有警報大軍一出四方攝服嗣後因循就簡垂四十年而戎馬日耗士卒之殷實者出錢包辦而其名徒存貧難者飢寒困苦而其形徒在衣裳襁褓氣息奄奄平居且不能自存安能爲國以捍禦百戰之虜哉每遇有警欲撥一二萬之兵未免各營通行挑選再欲選撥一二萬恒以不足數爲慮是兩營與老家無異矣夫兵以衛民以養軍今各營官軍月支米八萬一千五百有餘石以一歲計之該食米九十七萬八千餘石是皆百姓膏血之餘也及選用戰兵求二三萬而不足當事者豈不爲之寒心哉至于統兵將官亦皆臨期選用將不知兵兵不知將遲悞非月旋置軍裝將官已至關口

在京城都人相傳為笑曰是不堪用徒費芻糈也中外皆謂京軍為不足用正德年間山東北直隸羣盜縱橫乃調宜大校西遼東邊兵征之踰年始得平定是豈強幹弱枝之意哉幸而其時三邊無警假使夷狄外侵邊兵不可掣調則內盜將置之不問乎啓邊人輕視中原之心不可聞于四夷不可謂于後世薄優恤之恩禁侵削之害嚴役占之條編革宿弊修復舊規使耳目一新精彩云發所以壯國家之元氣而延生民之命脉庶幾在此也

按此輩言一代京營沿革刊病曉然歲費百萬糧芻而緩急一無所用言京營而天下可知矣愚嘗謂有兵若此不如無之兵而無用曷若已之而藏者猶憂軍伍之不充每司府州縣各置清軍官而歲差御史督之亦弗思甚矣觀近時事益可徵近浙西寇作朝廷徵各省兵討之而置中外四十五衛兵于不齒惟議調湖廣之苗兵廣西之狼兵與夫召募山東之錦州河南廣東之新兵而已嗚呼衛兵無用曷若去之奈何猶腴民膏血以養此無用之物為耶故愚以為不若罷軍勿清停清軍官勿置勿差任其消耗而從事于隨園里編民壯之制以儉寓兵于農斯為更化善治可久可繼夫治國猶

治家也。治家者，必畜貓以捕鼠，畜犬以吠盜，常也。今六家苟畜貓不捕鼠，犬不吠盜，則汲汲然思易之矣。嗚呼，謀國者察此，思過半矣。

張璉疏請各省鄉舉俱照兩京例，命京官往試。京闈分考亦用甲科以羅真才，從之。○李福達獄平，賜璉二品服，金束帶，及入閣，賜玉帶，銀圖書二。曰：忠良貞一。曰：繩愆糾繆。楊一清曰：耆德中正。曰：繩愆糾違。翟參曰：清謹學士。繩愆輔德。桂萼曰：忠誠靜慎。繩愆匡違。各銀圖書。○詹事霍韜陳數事，一言洪武中，令天下多栽桑棗，今六軍萬姓仰食江南，萬一漕河遷徙，南土災荒，將安仰給？必興治北方水利，勸課農民栽種桑棗。此今日急務也。一言永樂中，金甌



蘇杭錢糧農器給山東被兵之民。今若能查覈兵伴招集  
頭給以農器使耕邊地則數年後可盡闢也。一言農桑爲  
衣食之原請勅巡按督守令用心勸課。一請于陂塘湖澤  
可蓄可洩者皆因地修濬既可利水以灌農畝且亦可分  
殺河勢不致橫溢。一言內外軍職職掌載有定額今陞授  
漸多乞勅兵部查覈其數。一言洪武中軍職子弟年至二  
十方許比試襲職初試不中者食半俸再試不中者降充  
軍制雖世襲最嚴考選乃今悉賂權貴雖乳臭小兒無不  
中者乞嚴納賄之禁舉比試之實。一言成祖旣平交趾賜  
陸賞孰便夏原吉曰賞費于一時有限陞費于後日無窮

故惟陞首功。餘皆賞賚。邇年奏捷者。帶奏者。獲妖言。獲賊盜者。冒濫陞職。如祖制何。一言天下儒生。不知誥律。請照洪武中例。令禮部刊大誥諸書。頒示生員及民間子弟。講讀。一言奸民避罪及惰民不力田者。俱欲爲僧。請照永樂中例。有私自削髮者。并父兄發北京種田。則邊方可固。而貧民得所。一請照景泰中令。各寺觀。每留田六十畝。餘悉給民佃種。疏入。詔下所司。○命議鹽法錢法。戶部尚書鄒文盛。因條鹽法五事。曰禁私鹽。曰禁占窩。曰禁奏討。曰明限制。曰添刷引。錢法二事。曰遵錢制。曰禁私販。上納之。

十一月楊一清等言逆賊入膺土地多爲各監局及勢豪之家乞討或作草場或作皇莊民各失其常產願自今凡有請乞絕勿復許上令戶部推侍郎及科官有風裁者往勘

吳瑞登曰世廟因一清之疏清理京畿而暨及天下不惟將來受其賜而且旣往懲其愆彼近臣帝親就不虞然守法乎

大學士楊一清等言閒住太監張永當正德五年寧夏寘鐫之變受命總督能計擒逆黨撫安軍民及回京奏發劉瑾罪狀下獄伏誅宸濠之變隨武宗南征時逆賊已擒而張忠等猶搜求餘黨永至多所開釋一方始安江彬手

承功在宗社生民何可沒也

握重權、人心惶惑。武宗晏駕、遂計擒之。若此者、誠不易得。乞賜起用。上乃起永提督團營。永至營、清查軍馬數目一清。

戊子

嘉靖七年

正月起原任兵部尚書王瓊兼右都御史提督陝西軍務。時哈密弗靖、璉募言其禍起于彭澤陳九疇、乞急用王瓊以寧西部。帝從之。瓊因論九疇誣罔、謂滿速兒實不死。帝命逮繫詔獄。璉能還阿執政意、拷掠備至、坐誣罔斬。調連彭澤廷和、尚書胡世寧力言九疇忠勇、再保河西有功、得不死。謫戍邊。彭澤、金獻民奪官、廷和獲免。

三月、帝勅戶部以其肅邊儲久缺、其詳畫經久之策、以  
關胡世寧曰、其肅米價湧貴、由壞祖宗舊邊策耳、永樂中  
邊儲悉籍鹽法、每鹽一引、輸粟一斗五升、富商悉聚邊鄙、  
自行耕墾樹藝、兼築堡聚、所以兵強食足、天順成化中變  
其良法、輸金戶部、商賈不復在邊、芻粟悉資輓運、轉販艱  
難、益以飢荒、價遂騰湧、今米一石、價至五兩、兵民捫腹殫  
殫、載道宜復鹽法、以紓邊困、霍韜亦云、宜復鈔法、以存竈  
戶、輕引銀、以來商賈、帝嘉納之、○大學士楊一清言、積  
邊儲、不過糴買召商二事、今糴買既有弊、惟召商爲最便  
耳、必自今永爲定制、凡開中鹽引、務令商人上納本色、邊

儲銀兩除量留以備凶歲折放亦當召商糴粟稍優其直而不苛其收然欲以本土之所出供本土之所需非廣興屯種不可欲廣興屯種非補助屯丁不可宜令清軍官各查理衛所軍戶不然亦可倣古募民實塞之意召募隴右關西之民以屯塞下授地之外任其開墾俟三稔廼徵其稅屯政修舉之時牛具種子皆爲官物屯地埋沒者聽人首告官豪結種者論令吐還管屯之官貪婪侵尅者罰無赦有成效者薦舉擢用○上令擬議條例以聞仍勅王憲劉天和身親督課務底成效○增築邊牆時給事中陸粲言陝西所發本吾地國初設東勝衛以控扼之自後棄爲

虜巢其寧夏花鳥池至靈州一帶最爲虜衝地勢衝衝無  
險可恃邊牆低薄壕塹淺隘虜每擁衆深入正德初楊一  
清總制陝西欲將延綏定邊營遷東石汾池至寧夏橫數  
三百里內邊牆增築高厚會本官去任中止迄今議者多  
言邊塞風沙版築易壞然前所築四十里計今且二十年  
屹立如故則斯言繆妄可知上命如一清初議速發帑  
儲佐之勿靳費

三月南贛巡撫汪鉉奏元日甘露降于長泰等縣上賜  
鉉白金文綺遣官祭告薦于宗廟○勅製忠靖冠服

五月北畿山東河南山西陝西大旱詔求直言楊一清疏

急務

人不肯去

亦宜以漸

曰今日之務在省事不在多事在守法不在變法在安靜  
不在紛更在寬厚不在煩苛咎人有言爲國有不足懼者  
五深可懼者六今日之弊實恐坐此臣舉其要曰舉賢才  
以充任使收人心以固邦本求直言以防壅蔽而已帝  
嘉納之○提督兩廣軍務王守仁報思田賊平疏陳窮兵  
盡勦則有十患罷兵行撫則有十善上嘉之○提督三  
邊尚書王憲言甘肅開中引鹽召商上納糧草以贖竄寇  
客商開納本色未有應者乞行總理糧草都御史會詳肅  
撫臣酌處本折兼收庶人情樂從邊儲有賴從之

六月朔倫大興書成上親製文序之○定議禮部臣



廣之六但  
處現事並  
為先名耳

以中國治

以延和為罪首編氓毛澄以下罪各有差

按五元功皆不利  
長以擊賜灰  
成繼靖難元功  
太祖開國元功  
大臣韓國公李善  
并程敗役制爵  
全家滿濟南  
景帝禦廣元功  
兵部尚  
書于謙護膠天順復辟元功  
武臣中國公石亨下獄論  
斬大學士徐有貞下獄疏金齒  
世宗入繼元功  
大學士楊廷和奪官

兩廣諸寨賊平

時斷藤峽牛腸六寺磨力等處匪賊上連入寨諸蠻下  
通古聞白竹羅鳳仙臺花相風門拂子等向各賊寨年  
攻劫郡縣鄉村掠子女財畜民遭荼毒累請兵誅勦不  
果而各賊愈肆今思田二州招撫平靖正在班師之際  
守仁因令永順保靖二司宣慰官領告頭目土兵人等  
分道進剿及約盧蘇王綬等兵相為犄角凡生擒斬獲  
三千五百名顆捷奏入京又處置入塞斷藤事宜一改南  
丹附城於入寨一改築思恩府城於荒田一改鳳化縣  
治於三里一添設流官縣治於思龍一增  
築守鎮城堡於五屯命戶兵二部議覆

七月 上追壽安皇太后尊號。追加恭穆獻皇帝尊諡。章聖皇太后尊號。○吏部侍郎湛若水進所撰格物通文百卷。詔留覽。

九月河道總督盛應期議開新河。初郎中柯惟熊贊之甚力。人頗怨謫。朝議罷役。應期請緩。一目毋停止。保其終事。惟熊復反復甚言其不便。部議兩罷之。應期果毅任事。欲急于成功。然功未及成而罷。其所開新河。後三十餘年。循其遺跡。疏之。運道至今蒙利云。

按應期勛得沛縣遺址。非河道地形。俾下泥沙。易集。以故累濟累塞。今詢之官民。咸稱昭陽湖東。自非進往家。史南出留城。口約一百四十餘里。可改運河北。引通河之水。東引山下之泉。內設蓄水閘。每設通水門。及減水壩。

以時節縮較之洪濬。猶河旁遠甚。且可為永利計。夫若千工。可六舟而畢。通議是也。得旨。又分官于趙皮寨。孫家渡。南修長堤。編溝等處挑濬。以殺上流。武城迤西至沛縣。連南修長堤。以殺上流。而止。人皆憐之。應期罷。以工部侍郎。孫家渡。希魯代之。上治河。輒略曰。河之大而委者有三。一孫家渡。經長淮。漸趨淮入海。一趙皮寨。經符離。橋出宿遷。小河入海。一沛縣。雲雲橋。經徐州。趨淮入海。夫孫家渡。趙皮寨。乃上流之支河。飛雲橋。乃下流之支河。弘治以前。三支分流。會于淮。而入于海。故徐沛無患。漕渠不淤。今上流二支俱就湮塞。全河東下。併注于飛雲橋。一支下東。徐呂二洪。上過開河。流水茫無畔岸。決堤塞沙。大為消患。然非疏其上流。則秋來水發。沙雖挑而復淤。堤雖築而復決。近因趙皮寨開濬未通。正在疏孫家渡。以殺水勢。請勅都御史潘瓚亟為疏濬。

十月丁未。皇后陳氏崩。○御製十六字箴曰。卓爾之見。一貫之唯。學聖君子。易哉勿偽。尚書胡世寧因為疏解。上之。

(風廟)

上嘉納○國子祭酒魯鐸卒故事四品大臣例無祭葬禮  
謚以鐸清節著聞特令治葬謚文恪

閏十月冊順妃張氏爲皇后

十一月上親製顯陵碑文召楊一清等于文華殿諭曰

碑賴卿等藻潤茲特酬勞賜一清蟒衣麒麟衣各三襲玉

帶一張璵麒麟衣玉帶如一清翟纓雲鶴衣三襲金花一

各上疏謝○以通惠河成糧運旣至者一百九十九萬有

奇省脚價一十萬兩吳仲以運軍疲敝請暫給三分之一

俟之一二年後併減歲運以寬貧民庶軍民兩受其惠報

可○是年石璽等所奏計有四謚文隱更謚文介

其兩制之